

舊唐書疑義

1普4
604
32+

全二本

一



門 1 書 4
號 604
卷 3 2 非

審唐書疑義



舊唐書疑義自識

咸豐甲寅夏臥病江村中讀舊唐書有所疑輒
筆之於冊積久成卷亦一人之見而已若云為
歐九小宋諸公揚其瀾而噓其燄則僕何所媿
焉錢塘張道識

舊唐書疑義

自識

舊唐書疑義

德宗本紀

憲宗本紀

穆宗本紀

敬宗本紀

文宗本紀

武宗本紀

宣宗本紀

懿宗本紀

各帝紀書日食缺略

第二卷

禮儀志

音樂志

天文志

天文志補

五行志補

地理志

第三卷

高宗廢后王氏傳

玄宗楊貴妃傳

張易之傳

許敬宗傳

姚崇傳

張垺傳

劉子玄傳

杜鴻漸傳

高適傳

裴冕傳

嚴武傳

王縉傳

楊朝晟傳

第五琦傳

李師古傳

李泌傳

李愬傳

沈傳師傳

白居易傳

畢誠傳

賈至傳

賀知章傳

蕭穎士傳

第四卷

中興

仍襲舊史文

列傳體例未協

宋思禮傳攷疑

舊唐書刻本

貞觀二十二年五月使方士那羅邇娑婆於金
甌門造延年之藥又天竺國傳是時就其國得
方士那羅邇娑婆昧自言壽二百歲云有長生
之術太宗深加禮敬館之於金甌門內造延年
之藥令兵部尚書崔敦禮監主之發使天下採
諸奇藥異石不可稱數延歷歲月藥成服竟不
效後放還本國然此僅言服藥不效而已而李
藩郝處俊竟以太宗服藥致疾不救為言何史
乃諱而不書邪憲宗本紀元和五年八月朔乙亥上顧謂宰臣曰神仙之事

乎李藩對曰文皇帝服胡僧長生藥遂致暴疾
不救古詩云服食求神仙多為藥所誤誠哉是
言也郝處俊傳有胡僧盧伽阿逸多受詔合
長年藥高宗將餌之處俊諫曰脩短有命未聞
萬乘之主輕服蕃夷之藥昔貞觀末年先帝令
婆羅門僧那羅邇娑婆昧依其本國舊方合長
生藥胡人有異術徵求靈草秘石歷年而成先
帝服之竟無異效大漸之際名醫莫知所為時
議歸罪於胡人將申顯戮又恐取笑夷
虜法遂不行龜鑑如是惟陛下深察

高宗本紀

永淳二年七月己丑以後十一月以前但書干
支如甲辰己丑己巳庚戌而不紀月

則天本紀

則天不宜立本紀夫人而知之也吳兢國史之
謬當時史官沈既濟已奏議非之乃劉氏於易
代後殊不更正何耶新書既作紀復撫瑣事立
武后傳體例亦非也厥後通鑑綱目帝在房陵
之書實自既濟啓之

長安三年書秋七月殺金吾大將軍唐休璟按
休璟傳休璟於延和元年卒年八十六此書殺
何也然以璟作景豈別一人歟

玄宗本紀

開元十年六月己巳增置京師太廟為九室移
孝和皇帝即中宗神主以就正廟十一年四月丙
辰遷祔中宗神主於太廟紀載雖有詳略實一
事也

張嘉貞貶刺台州本紀在開元十二年七月而
嘉貞傳坐與王守一交往左轉台刺史乃在

十三年傳云開元十一年出為幽州刺史明年
復拜戶部尚書兼益州長史判都督史
明年坐與王守一交往左轉台州刺史然守一獲罪
刺史凡再云明年則是十三年矣

在十一年傳中再書之明年乃衍文也

二十九年正月制崇立學置生徒令習老子莊
子列子文子每年準明經例考試今本文字下
譌增中字

天寶五載正月韋堅貶括蒼太守按地理志括
州天寶元年改爲縉雲郡宜書縉雲若括蒼則
郡之屬縣耳

韋堅傳堅
爲縉雲太守

大寶十四載十一月書始寧太守羅希夷以停
止張博濟決杖而死吉溫自縊於獄按吉溫傳
十三載貶灃陽長史明年溫又坐贓七千匹及

奪人口馬姦穢事發貶端州高要尉溫至嶺外
遷延不進依於張博濟止於始安郡八月遣大
理司直蔣沈鞠之溫死於獄中博濟及始安太
守羅希夷死於州門又云溫九月死始安十一
月祿山起兵作亂人謂與溫報讎本紀於十三
載十月書貶吉溫爲灃陽郡長史而其再貶高
要逗遛始安之事脫去不書故使讀者幾不知
溫死何地之獄矣且傳言溫以九月死紀作十
一月豈從奏報緩耶惟溫傳祇言死獄而紀云

縊及希奭以停張博濟決杖死較傳為詳羅希
但書敕云貶海東郡海康尉而停決博濟以死
事不書故讀史以參觀乃通其曲折也又始安
紀易為始寧誤

陳玄禮之誅楊國忠也本紀以為先奏而後誅

本紀丙申次馬嵬驛諸衛頓軍不進龍武大將
軍陳玄禮奏曰逆胡指關以誅國忠為名然中
外羣情不無嫌怨今國步艱阻乘輿震蕩陛下
宜徇羣情為社稷大計國忠之徒可置之於法

而楊貴妃傳及韋見素傳皆云密啓太子貴妃
軍大將陳玄禮密啓太子誅國忠父子
傳翌日次馬嵬驛軍士不得食流言不遜龍武
將軍陳玄禮懼其亂乃與飛龍馬家李
護國謀於皇太子請誅國忠以慰士心
至國忠

傳則僅書玄禮乘眾憤行誅而已國忠傳翌日
至馬嵬軍士

飢而憤怒龍武將軍陳玄禮懼亂先謂軍士曰
今天下崩離萬乘震蕩豈不由楊國忠割剝
庶朝野怨咨以至此耶若不誅之以謝天下何
以塞四海之怨憤眾曰念之久矣事行身死固
所願也
當時情事迫促豈遑陳奏謀於儲宮理或
有之本紀所書蓋史臣為玄禮飾專擅之罪也

肅宗本紀

上元二年脫簡甚多如制其年號但稱元年去
上元之號其以今北庭潞儀隰等州行營本管
節度觀察等事移鎮絳州云云其以今下脫文

不知更作何語而移鎮絳州者亦未審爲誰
上元二年四月壬午梓州刺史段子璋叛襲破
遂州殺刺史嗣號王巨京川節度使李奐戰敗
奔成都五月乙未劍南節度使崔光遠率師與
李奐擊敗段子璋於綿州擒子璋殺之綿州平
本紀之文如此而朱鶴齡註杜甫詩引本紀則
云上元二年四月梓州刺史段子璋反襲東川
節度使李奐於綿州自稱梁王改元黃龍以綿
州爲黃龍府置百官五月成都尹崔光遠率將

花驚定攻拔綿州斬子璋較原書爲詳然何以
互異至此

代宗本紀

大曆五年五月庚辰書貶禮儀使禮部尙書裴
士淹爲處州刺史按是時括州未改名處州
大曆八年甲子御史大夫李栖筠彈吏部侍郎
徐京上失書二月又夏四月戊申乾陵雙鵲銜
泥補殿至九月戊子朱泚封懷寧郡王凡三百
九十八字錯簡在九年其夏四月戊申下接五

品以上各上封事言政得失其懷寧郡主下接
 己丑夜太白入太微而已丑上原有是歲大有
 年五字按此書已見本年之尾此處乃重書衍
 文宜芟去此五字噫舊書本脫略復為鈔胥亂
 其章第讀者能弛校勘之勞耶按雙鶴補殿事
 八年又是年大鳥見武功亦見又載五行志作
 五行志明著九月故尙可考見又十月己卯應
 作十一月其十一月壬寅朔應作閏十一月
 九年之夏四月應冠於壬申令狐彰卒之上按
 天文志云九年四月乙亥月臨軒轅丁丑月入

太微紀乃於丁丑上冠四月非也四月下失書

五月

宜書於庚戌
廢涇州上

失書六月

宜書於己卯
月掩南斗上

紀書帝以開元十四年十二月十三日生於東
 都上陽宮大曆十四年五月辛酉崩按開元十
 四年丙寅至大曆十四年己未計五十四年而
 諸帝紀於帝崩均書享壽若干此紀獨闕故後
 之作鑑者誤云帝壽五十三然吳后傳亦云開
 元此下本有二
字乃衍文十三年玄宗幸忠王肅宗初
封也邸
 命將軍高力士選掖庭宮人以賜之而吳后在

籍中明年生代宗皇帝則帝壽實五十四也

德宗本紀

興元元年五月癸未嶽州李兼黔南元全柔桂
管盧嶽加御史大夫嶽加中丞按通鑑興元元
年正月李希烈使其將襲鄂州刺史李兼兼大
破之上以兼為鄂岳沔都團練使攷團練使治
鄂州此嶽州當作鄂州不得以岳鄂兼銜隨書
之也兼及新書俱無傳權德輿傳云貞元初復
為江西觀察使李兼判官唐會要云贈刑部尚

書李兼諡昭此即兼之官爵所終也杜牧詩有

李兼生窟郎句又盧嶽既加御史大夫不得降

加中丞此嶽或別一人當有脫誤

貞元元年失書八月宜書於甲子詔上二年失書六月

宜書於癸未橫海軍使失書八月宜書於戊午

滄州刺史程日華卒上失書八月宜書於庚寅節度

唐朝臣為單三年失書二月宜書於辛巳李泌

于大都護上失書三月宜書於甲

年失書二月宜書於辛巳李泌失書三月宜書於甲

寅地失書四月宜書於癸巳以太子左庶失書

五月宜書於丁巳右龍武十四年失書八月宜書

於丁丑以宦者第五守
亮代霍僊鳴為中尉上
十九年失書六月宜書
辰以陳許行軍司馬劉昌裔檢校工
又貞元六
部尚書許州刺史陳許節度使上
年正月戊戌朔誤作
七年六月庚寅朔誤作

憲宗本紀

紀云八月乙巳順宗永貞元年實德即皇帝位
於宣政殿先是連月霖雨上即位之日晴霽人
情忻悅按五行志云貞元二十一年叔文用事
連月霖雨不霽乃以憲宗為皇太子制出日即
晴傳所謂皇之不極厥罰恆陰皆此數也攷憲

宗正儲位在其年四月與紀小異

元和元年十一月乙巳乙誤作己戊申戊誤作
甲十二月庚申朔庚誤作丙二年正月辛卯卯
誤作酉乙卯乙誤作己七月戊子錄配享功臣
之後狄仁傑桓玄範為右拾遺按仁傑下脫族
曾孫兼謨為左拾遺九字兼謨傳憲宗玄範當
作彥範按彥範傳末不載後人不知所脫何人
佗若崔玄暉孫元方為監察御史攷玄暉傳子
璩璩子渙自有傳無元方也又敬暉孫元亮袁

恕已孫德師相次敘用攷敬暉傳有曾孫元膺
無元亮袁恕已傳有曾孫德文無德師

三年三月庚子以定平鎮兵馬使朱仁侗為四
鎮北庭涇原等州節度使四月癸丑賜朱仁侗
名忠亮按朱忠亮傳云本名士明則與紀全別
也侗字字書不載疑侗字之譌侗集韻音朋說
文輔也仁侗者或輔仁義耶

元和三年末書是歲淮南江南江西湖南山南
東道旱下即書夏四月丙子朔失書元和四年

正月二月三月事此脫簡也

元和五年十二月以前御史中丞呂元膺為鄂

州刺史鄂黃岳沔蘄安黃等州觀察使黃字蓋衍

永貞元年失書十一月宜書於己巳神睿真皇
后神主德宗皇帝神主

於太和七年失書七月宜書於乙丑以兵部
員外郎王涯知制誥

上十年失書四月宜書於辛亥盜焚
河陰韓運使上失書五月

宜書於辛未朔上宜書於丙寅幽
州劉總加平章

事又十三年三月辛亥詔百司職田多少不均

為弊日久宜令逐司各收職田草粟都數自長

官以下除畱守至銀臺待罪請獻德棣二州兼入管內租稅自長官以下詔文不備脫簡甚多其餘畱守上下缺略尤甚不復知爲何人若夫至銀臺待罪之文則知爲王承宗攷承宗傳云元和十三年三月弘正遣人送承宗男知感知信及其牙將石汎等詣闕請命令於客舍安置又獻德棣二州圖印兼請入管內租稅除補官吏又此處失書四月宜書於王戍前東都畱守許孟容卒上

穆宗本紀

元和十五年六月丁丑書安南都護桂仲武奏誅賊首楊清收復安南府八月甲戌又書安南都護桂仲武斬叛將楊清首以獻收復安南府長慶二年正月甲寅以鴻臚卿兼御史大夫判度支按卿字下脫張平叔三字二月滄州刺史橫海軍節度使王日簡賜姓名全略州字下原脫刺史橫海軍五字誤著以成元三字三年六月誤作十月

敬宗本紀

長慶四年二月癸卯卯誤作未八月丁丑朔丑
誤酉十二月封李程彭城郡公城誤厚

寶曆元年失書二月宜書於辛丑江西六月癸

酉朔誤作壬申七月癸卯朔卯誤作未乙巳巳

誤作酉閏七月壬申朔申誤作午二年八月丁

丑夜月犯輿鬼按是月為丙申朔是無丁丑也

九月乙丑朔乙誤作丁壬辰辰誤作申

於鄂州特置武昌軍額寵僧孺也牛僧孺傳敬

章公是時政出近侍僧孺數表去位帝為於鄂

州置武昌軍授武昌節度使同平章事與紀同

攷憲宗紀元和三年二月書以武昌軍節度使

韓皋為鎮海軍節度使則鄂岳之升武昌軍已

久蓋武昌之號設於元和元年新書方鎮表元

觀察使為武罷於五年表云五年罷武昌軍節

昌軍節度使罷於五年度使置鄂岳都團練觀

察復設於寶曆初即本紀復罷於太和五年文

紀太和五年書武昌軍節度使元稹卒繼書牛

以陝號觀察使崔郾為鄂岳安黃觀察使

元皆以故相涖鎮故復軍額以寵之稹卒後仍

鄂岳舊號也

文宗本紀

太和四年正月以尚書左丞杜元穎檢校戶部
尚書充武昌軍節度使鄂岳蘄黃安申等州觀
察使按紀於次年八月書武昌軍節度使元穎
卒杜元穎實元稹之誤蓋杜元穎未嘗鎮武昌
及尚書左丞也

太和九年七月癸亥貶侍御史李甘為封州司
馬八月甲申以左神策軍大將軍趙儋為鄜坊
節度使攷杜牧李甘詩云太和八九年訓注極
號虎又云時當秋夜月日直日庚午按庚午為

七喧喧皆傳言明年相登注予時與和鼎官班
各持斧和鼎願予云我死有處所當廷裂詔書
退立須鼎俎又云適屬命鄜將原注趙儋除昨
之傳者誤明日詔書下謫斥南荒去據此則甘
裂詔書之語在二十七日庚午授趙儋鄜坊節
度在二十八日辛未貶甘封州在二十九日壬
申紀所書先後悉誤也李甘傳無趙儋授節度
一事第云注亦求入中書甘唱於朝曰宰相者
代天理物先德望而後文藝注乃何人敢茲叨

上柱國賜紫金魚袋崔郾可本官同中書門下
 平章事則五年所書必誤也新書宰相表又郾
 於會昌元年十一月罷相出為劍南西川節度
 使紀亦不載又郾傳於入相下云尋加中書侍
 郎銀青光祿大夫則五年二月疑加中書銜時

宣宗本紀

會昌六年四月以中散大夫大理卿馬植為金
 紫光祿大夫刑部侍郎充諸道鹽鐵等使六月
 以戶部侍郎充諸道鹽鐵轉運使馬植本官同

平章事大中二年三月以禮部尚書鹽鐵轉運
 使馬植同平章事按植不再相何用兩書攷植
 傳由刑部侍郎充諸道鹽鐵轉運使轉戶部侍
 郎領使如故俄以本官同平章事遷中書侍郎
 兼禮部尚書則植實以會昌六年六月入相而
 大中二年三月兼禮部銜耳書法宜如傳中所
 書乃明晰近馮氏杜樊川詩注以為舊紀誤以
刑部轉戶部為入相亦非又植罷
相此紀在大中三年四月新書紀表俱作三月
又植由戶部相而新書紀表俱作刑部各不同
 大中三年正月丙寅涇原節度使康季榮奏吐

蕃宰相論恐熱以秦原安樂三州及石門等七關之兵民歸國詔太僕卿陸耽往喻旨仍令靈武節度使朱叔明新書作李欽邠寧節度使張景緒各出本道兵馬應接其來六月邠寧張君緒奏今月十三日收復蕭關又八月制曰仍待季榮叔明李玘君緒各回戈到鎮云云一人而名字互異如此又吐蕃傳論恐熱作尙恐熱秦作泰俱誤冊府元龜作張君緒新唐書吐蕃傳作張欽緒

大中五年十二月書盜斫景陵神門戟貶宗正

卿李文舉睦州刺史復於七年正月書宗正卿李文舉貶睦州刺史浙江通志睦州刺史李文舉大中六年任據此則七年之書為多事矣嚴州府志李文舉大中六年守睦州刺史時杜牧知制誥為制詞曰夫三尺律令人情出於中爾苟情有不可亦法無本條正議大夫權知於宗正卿上柱國隴西縣開國伯食邑七百戶賜紫宗正卿上柱國隴西縣開國初以地進累居官賜紫宗正卿上柱國隴西縣開國擢為宗正大夫則提舉郡皆著能名是以取自遠屬族次第昭穆惟此二者爾之職焉今則任盜公然侵犯陵寢毀積之罪已坐守令責帥之義固難矜寬勉於分憂足以補過可持節睦州諸軍事守睦州刺史散官勳封賜如故仍馳驛赴任新書宗室世系表李文舉太宗子紀王蓋之後陝府兵曹參軍審之子

懿宗本紀

大中十三年十月以河中節度使畢誠為宣武節度使按宣宗紀大中十一年十二月以昭義節度使畢誠為太原尹北都留守河東節度使則河中當作河東也誠鎮河中在罷相後耳

各帝紀書日蝕缺略

日月交蝕變之大者也帝紀宜詳書以示警然

以天文志校之則皆有失書者如高祖紀武德八月丙戌朔六年太宗紀貞觀元年閏三月癸十二月壬寅朔五月朔九月庚戌朔

年閏正月 高宗紀 麟德二年閏三月癸酉朔
 丁卯朔 元二年九月壬寅朔 調露二年
 年四月乙巳朔 永淳元年十一月庚申朔 則天紀 惟載長安二年九月
 月乙丑朔及三年三月壬戌朔而已 餘如垂拱
 辛未朔 四年六月丁亥朔 天授二年四月壬寅
 朔如意元年四月丙申朔 長壽二年九月丁亥
 朔延載元年九月壬午朔 證聖元年二月
 己酉朔 聖曆三年五月乙酉朔 俱不書 玄宗
 紀 開元三年七月庚辰朔 天寶五年五月乙丑朔
 睿宗紀 太極元年二月 穆宗紀 長慶三年九月
 睿宗紀 會昌三年二月庚申朔 四年二月
 紀 會昌三年七月丙午朔 宣宗紀 會昌
 十二月甲寅朔 五年七月丙午朔
 戊辰朔 俱不書 會昌以後官失其職自宣宗紀

舊唐書

卷一

三

書大中二年五月己未朔日有蝕之直至哀帝
天祐元年復見書法哀帝紀天祐元年十月辛卯朔日有蝕之在心初度
三年四月甲申朔日有蝕之在胃十二度其中宣懿僖昭四朝六十
年間缺略過甚豈唐政不綱海宇傲擾太史測
算而不報耶

舊唐書疑義卷一終

舊唐書疑義卷第二

錢唐張道著

禮儀志

志云舊儀太宗之廟則司空梁國公房玄齡尙
書右僕射萊國公杜如晦尙書左僕射中國公
高士廉配饗乃其下又云天寶六載太廟配饗
功臣太宗室加長孫無忌李靖杜如晦萊公及
已從祀何又云加然爾時加配自高祖太宗高
宗中宗四室共十一人萊公實在數內則前所

書誤也志云高祖室加裴寂劉文靜太宗室加長孫無忌李靖杜如晦高宗室加褚遂良高季輔劉仁軌中宗室加狄仁傑魏元忠王同皎等十一人

音樂志

陳將亡也為玉樹後庭花齊將亡也而為伴侶曲行路聞之莫不悲泣又太宗曰今玉樹伴侶之曲其聲具存按通典云齊將亡也為伴侶行路難聞之莫不悲泣則行路難亦樂府名與太宗三曲俱存語合玉樹後庭花一曲也伴侶志二曲也行路難三曲也本襲通典文而脫一難字行路便與聞之相屬

至通鑑唐紀云齊之將亡作伴侶曲陳之將亡作玉樹後庭花其聲哀思行路聞之云云而以太宗語為二曲具存則襲志文也

天文志

志之書日蝕也始於武德元年終於會昌六年其後六十餘年闕而不載豈為完書況尙有失書者耶如貞觀八年五月辛未朔龍朔元年五月甲子晦大曆十四年十二月晦皆各見本紀

日蝕卷中則天時書長壽三年九月壬午朔又

書延載元年九月壬午朔按則天改元延載在
長壽三年五月本卽一年九月當改元後宜將
長壽三年一節刪去又聖曆三年五月乙酉朔
又書久視元年五月己酉朔按久視之元乃聖
曆三年五月癸丑所改亦卽一年也朔日尙未
改號宜將久視元年一節刪去

又大曆四年正月十五日甲午日蝕應作甲申
是月庚午朔至十五當
甲申代宗本紀作甲申十三年甲戌有司奏合
蝕不食甲戌上脫去八月二字按本紀是年十
八月甲戌朔

四年二月丙寅朔按正月朔爲壬寅則丙寅當

正月之二十五日此必有誤

又元和三年七月癸巳朔應作辛巳若癸巳朔
則下所書

八月庚申正當七月之二十
八日矣憲宗本紀作辛巳長慶元年七月乙

丑夜按是月爲乙未朔無乙丑

又開成二年庚寅朔當蝕陰雲不見庚寅上脫

去十二月三字

志與帝紀互異者如開元九年五月乙巳朔日
食玄宗紀作九月十二年閏十二月壬辰朔紀

作丙辰十七年十月丙午朔紀作戊午二十三
 年閏十一月壬午朔紀作十一月壬申朔大曆
 三年八月壬戌火去太白四寸代宗紀作熒惑
 犯太微垣十年九月甲午月臨房紀作月暈熒
 惑犯昴五車參東井等星
 長慶元年鎮州軍亂殺其帥田弘正王廷湊按
 王字上脫去立字

天文志補

天文志舊書一往缺略就諸帝紀中所載補諸

其已見本志者不書

太宗紀貞觀二十三年三月是月日赤無光
 高宗紀龍朔三年八月癸卯彗星見於左攝提
 總章三年二月癸丑日色出如赭咸亨五年六
 月壬寅太白入東井上元二年正月甲寅熒惑
 犯房三月丁未日色如赭儀鳳二年八月乙巳
 太白犯軒轅閏十一月戊寅熒惑犯鉤鈴調露
 二年五月癸未熒惑犯輿鬼永淳元年是春日
 色如赭二年 某月 庚戌熒惑入輿鬼犯質星

中宗紀景龍三年三月庚申日赤紫色無光六月癸丑太白晝見於東井八月有星孛於紫宮
玄宗紀開元四年六月庚辰月蝕既十二年七月壬申月蝕既十四年十二月己未日色赤如赭
二十五年六月壬戌熒惑犯房至心星越度而過二十七年七月辛丑熒惑犯南斗
肅宗紀乾元二年正月癸未夜月掩歲星二月壬子望月蝕既百官請加皇后張氏尊號曰翊
聖上以月蝕陰德不修而止上元元年五月癸

丑是夜月掩昴二年二月辛未夜月有蝕之既
代宗紀大曆三年八月壬戌熒惑犯太微垣七年二月甲寅鎮星臨太微六月戊戌朔有司言
日蝕陰雲不見八年九月己丑夜太白入太微
十年九月月暈熒惑犯昴五半參東井等星
德宗紀貞元三年閏五月壬戌日有黑暈自辰
及申方散戊寅枉矢墜於虛危是月太白晝見
凡四十餘日四年六月癸卯熒惑退行入羽林
六年三月甲子以旱日色如血無光閏四月庚

申太白辰星聚東井

順宗紀貞元二十一年二月己酉是夜太白犯

昴

憲宗紀永貞元年十二月丙申月犯畢己酉歲
星犯太微西垣元和二年二月壬申夜月掩歲
星六年四月己卯月近房六月丁亥太白近右
執法七年五月癸亥熒惑近太微右執法六月
己亥月近南斗魁第四星八年八月甲午太白
近軒轅十年十二月壬寅夜太白犯鎮星十一

年二月丙辰月掩心三月己丑月近鎮星五月
丁卯辰歲二宿合於東井六月甲辰是夜月掩
心後星十一月戊寅夜月犯歲戊子夜火土合
於虛危十二年正月乙酉夜星見而雨三月丁
丑月犯心後星十三年五月乙未月近心後星
八月甲戌太白近左執法丁丑木金水三宿聚
於軫九月甲辰熒惑近哭星十月甲子是夜月
近昴十四年四月乙卯太白順行近東井七月
乙酉夜月掩心大星十五年正月此月七日以

後晝常陰晦微雨雪夜則晴明凡十七日方澄
霽丙申月犯心大星光彩相及

穆宗紀長慶二年四月丁亥是夜東北有流星
光彩燭地殷殷有 出天市垣至郎位滅

敬宗紀長慶四年八月丁亥火入東井寶曆元
年三月戊辰夜有流星長三丈出紫微入濁滅
七月癸卯朔熒惑犯右執法二年八月月犯輿
鬼

文宗紀太和元年正月庚午是夜月掩畢大星

五月丙戌夜熒惑犯右執法二年七月甲辰是
夜彗西出攝提南長二尺四年六月辛未夜自
一更至五更大小星流旁午觀者不能數八年
八月庚寅太白犯熒惑九年六月庚寅夜月掩
歲星開成三年五月庚午月犯天心大星四年
九月丁酉夜月掩東井第三星
武宗紀會昌元年七月彗復出室壁之間四年
二月戊午夜太白犯鎮星五年九月火星犯上
將六年二月丁丑是夜月犯畢大星相去三寸

丁亥夜月色少光至一更一點犯熒惑相去四寸後良久其光燭地在軫七度丙申夜月掩牛南星又犯歲星辛丑夜東北流星如桃色赤其光燭地尾迹入大角西流穿紫微垣

宣宗紀大中十一年八月是月熒惑犯東井九月乙未彗出於房初度長三尺

懿宗紀咸通九年七月戊戌白虹橫互西方十一月丁酉戌時妖星初出如匹練互空化爲雲沒在楚分十年十二月勅荆南節度使杜棕據

司天奏有小孛星氣經歷分野恐有外夷兵水之患緣邊藩鎮最要隄防宜訓習師徒增築城堡凡關制置具事以聞

僖宗紀中和二年七月丙午夜西北方赤氣如絳虹竟天十月西北方無雲而雷名天狗墜光啓二年四月庚戌朔是夜熒惑犯月角五月星孛於箕尾厯北斗攝提十月壬辰夜白虹見西方

昭宗紀光化二年是春有白氣竟天如練自西

南徽東北而旋有燕卒之敗天復四年四月乙巳上御光政門大赦制曰抑又太一游處併集六宮罰星熒惑久纏東井玄象薦災於秦分地形垂過於洛陽按太一熒惑之變史官宜大書甚矣時帝爲朱全忠劫遷洛陽哀帝紀天祐元年十月辛卯朔日有食之在心初度十一月癸酉午時日有黃白暈旁有青赤初二年四月己丑朔甲辰夜彗起北河貫文昌其長三丈在西北方辛亥以彗字謫見德音放

京畿軍鎮諸司禁囚常赦不原外罪無輕重遞減一等限三日內疏理聞奏壬子勅朕以冲幼克嗣丕基業兢兢勤恭夕惕彗星謫見罪在朕躬雖已降赦文特行恩宥起今月二十四日後避正殿減常膳以明思過付所司戊午勅朕以上天謫見避殿責躬不宜朔會朝正殿其五月一日朝會宜權停五月己未朔以星變不視朝勅曰天文變見合事祈禳宜於太清宮置黃籙道場三司支給齋料乙酉夜西北彗星長六

七十丈自軒轅大角及天市西垣光輝猛怒其
長竟天乙亥司天奏旬朔以前星文變見仰觀
垂象特軫聖慈自今月八日夜以後連遇陰雨
測候不得至十三日夜一更三點天色暫晴景
緯分明妖星不見於碧虛災沴潛消於天漢者
勅曰上天譴見下土震驚致夙夜之沈憂恐生
靈之多難不居正殿盡輟常羞益務齋虔以申
禳禱果致立穹覆佑孛消除豈罪己之感通
免貽人於災沴式觀陳奏深慰誠懷三年四月

甲申朔日有食之在胃十二度

五行志補

舊書五行志缺略尤多今仍天文志補例按諸
帝紀散見之文補諸

高祖紀武德二年九月乙未京師地震十二月
壬子大風拔木三年二月丁酉京師西南地有
聲如山崩

太宗紀貞觀元年是夏山東諸州大旱令所在
賑卹無出今年租賦八月是月關東及河南隴

右沿邊諸州霜害稼是歲關中饑至有鬻男女者二年五月大雨雹八月是月河南河北大霜人飢三年六月戊寅以旱親錄囚徒遣長孫無忌房玄齡等祈雨於名山大川己卯大風折木四年正月癸巳武德殿北院火七年三月丁卯雨土八月山東河南三十州大水遣使賑卹八年七月山東河南淮南大水遣使賑卹十年是歲關內河東疾病命醫齋藥療之十一年四月甲子震乾元殿前槐樹十三年自去冬不雨至

於五月是歲滁州言野蠶食榭葉成繭大如柰其色綠凡六千五百七十石十四年六月乙酉大風拔木七月己未滁州野蠶成繭凡收八千三百石十七年秋七月庚辰京師訛言云上遣振捕取人心肝以祠天狗遞相驚悚上遣使徧加宣諭月餘乃止二十一年八月壬戌詔以河北大水停封禪二十三年三月自去冬不雨至於此月己未乃雨

高宗紀貞觀二十三年是冬無雪永徽元年七

月丙寅以旱親錄囚徒是歲雍絳同等九州旱
蝗齊定等十六州水二年十月辛卯晉州地震
十一月戊辰定襄地震三年正月癸亥以去秋
至於是月不雨上避正殿五年五月丁丑夜大
雨水漲暴溢漂溺麟游縣居人及當番衛士死
者三千餘人六月癸丑蒲州汾陰縣暴雨漂溺
居人浸壞廬舍丙寅河北諸州大水七月辛巳
有小鳥如雀生大鳥如鳩於萬年宮皇帝舊宅
六年三月嘉州辛道讓妻一產四男八月先是

大雨道路不通京師米價暴貴出倉粟糶之九
月乙酉潞州大水毀天津橋十一月丙子淄州
高苑縣吳文威妻魏氏一產四男三見育顯慶
元年九月庚辰括州海水泛溢壞安固永嘉二
縣損四千餘家六年二月乙未以益綿二州皆
言龍見改元龍朔龍朔三年十月丙申絳州麟
見於介山丙午含元殿前麟趾見十一月雨木
冰是冬無雪麟德二年六月鄜州大水壞城邑
乾封二年正月丁丑以去冬至是月無雨雪避

正殿總章二年六月冀州大水漂壞居人廬舍
數千家並遣使賑給七月劍南益瀘雋茂陵邛
雅緜翼淮始簡資榮隆果梓普遂等一十九州
旱百姓乏絕總三十六萬七千六百九十戶遣
司珍大夫路勵行存問賑貸是冬無雪三年二
月戊申以旱親錄囚徒祈禱名山大川咸亨元
年四月雍州大雨雹八月丙寅以久旱避正殿
減膳十月癸酉大雪平地三尺餘行人凍死者
贈帛給棺木是歲天下四十餘州旱及霜蟲百

姓飢乏關中尤甚昭令任往諸州逐食仍轉江
南租米以賑給之二年四月大風折木六月丁
亥以旱親錄囚徒秋九月地震四年七月辛巳
婺州暴雨水泛溢漂溺居民六百家詔令賑給
八月己酉大風毀太廟鴟吻上元三年八月青
齊等州海泛溢又大雨漂溺居人五千家遣使
賑卹之十一月壬申以陳州言鳳凰見於宛邱
改上元三年曰儀鳳元年二年正月庚辰京師
地震四月以河南河北旱遣使賑給是冬無雪

三年四月丁亥朔以旱避正殿癸丑涇州獻二
小兒連心異體年四歲十一月乙未昏霧四塞
連夜不解永隆元年九月河南河北諸州大水
遣使賑卹溺死者官給棺槨其家賜帛七段二
年閏七月丙寅雍州大風害稼米價騰踊八月
丁卯朔河南河北大水許遭水處往江淮以南
就食永淳元年是春關內旱六月關中初雨麥
苗澇損後旱京兆岐隴螟蝗食苗並盡加以民
多疫癘死者枕藉於路詔所在官司埋瘞丁丑

京師人相食寇盜縱橫是秋山東大水民飢十
月甲子京師地震

則天紀垂拱元年是夏大旱如意元年七月大
雨洛水泛溢漂流人民五千餘家遣使巡問賑
貸萬歲通天元年四月以天下大旱命文武官
九品以上極言時政得失久視元年是夏大旱
中宗紀龍神元年四月同官縣大雨雹燕雀多
死漂溺居人四百家遣使賑給六月丁巳河北
十七州大水漂沒人居二年三月乙巳黃霧四

塞十二月丙戌以京師亢旱減膳徹樂河北水
大飢是冬牛大疫三年正月丙辰以旱親錄囚
徒是春自京師至山東疾疫民死者眾河北河
南大旱景龍元年十二月丁丑京師雨土二年
七月辛卯台州地震三年正月丁卯黃霧四塞
四年三月庚申京師雨冰井水溢

睿宗紀唐隆元年六月甲辰景雲見景雲二年
八月乙卯詔以興聖寺是高祖舊宅有柿樹天
授中枯死至是重生大赦天下三年正月甲戌

并汾絳三州地震壞人廬舍

玄宗紀開元二年正月關中自去秋至於是月
不雨人多飢乏二月己酉以旱親錄囚徒三年
六月山東諸州大蝗飛則蔽景下則食苗稼聲
如風雨是冬無雪四年二月以關中旱遣使祈
雨於驪山應時澍雨六月辛未京師華陝三州
大風拔木十二月乙卯其夜定陵寢殿災五年
正月癸卯太廟屋壞移神主於太極殿戊辰昏
霧四塞六年六月甲申瀘水暴漲壞人廬舍溺

殺千餘人七年七月丙辰制以亢陽日久上親錄囚徒九年七月丙辰揚潤等州暴風發屋拔木漂損公私船舫一千餘隻是冬無雪十年八月丙申博棣等州黃河隄破漂損田稼十一年十一月是月自京師至於山東淮南大雪平地三尺餘十四年是秋蘇同常福四州漂壞廬舍十五年二月時河北牛畜大疫五月晉州大水漂沒居人廬舍是秋十七州霜旱河北飢轉江淮之南租米百萬石以賑給之十六年九月丙

午以久雨降死從流徙以下原之十七年四月丁亥大風震電藍田山崩八月丙寅越州大水漂壞廨宇及居人廬舍十月癸未睦州獻竹實是冬無雪十九年六月乙酉大風拔木二十一年四月丁巳以久旱命太子少保陸象先戶部尚書杜暹等七人往諸道宣慰賑給是歲關中久雨害稼京師饑詔出太倉米二百萬石給之二十二年四月丁未汾州鼎皇山下江水中得寶鼎五月關中大風拔木同州尤甚二十三年

八月江淮以南有遭水處本道使賑給之二十四年是夏大熱道路有暍死者二十六年三月癸未京兆地震二十七年正月乙巳大雨雪二十八年十月乙酉夜東都新殿後佛光寺災二十九年三月丙午風霾日色無影九月大雨雪稻禾偃折又霖雨月餘道途阻滯是秋河北博洛等二十四州言雨水害稼天寶元年六月庚寅武功山水暴漲壞人廬舍溺死數百人是冬無冰二年是冬無雪三載三月庚午武威郡上

言番禾縣天寶山有醴泉涌出嶺石化爲瑞麪遠近貧乏者取以給食四載八月是月河南睢陽淮陽譙等八郡大水六載自五月不雨至秋七月乙酉以旱命宰相臺侍府縣錄繫囚七載三月乙酉大同殿柱產玉芝有神光照殿八載六月大同殿又產玉芝一莖九載三月時久旱停封西岳五月庚寅以旱錄囚徒十載是秋霖雨積旬牆屋多壞西京尤甚十一載六月戊子東京大風拔樹發屋十二載八月京城霖雨米

貴令出太倉米十萬石減價糶與貧人十三載
二月甲申楊國忠受冊天雨黃土霑於朝服八
月丁亥以久雨左相許國公陳希烈爲太子太
師罷知政事

肅宗紀至德二載三月癸亥河西自去冬地震
至是方止癸亥大雨至癸酉不止詔疏理刑獄
甲戌方止乾元二年四月癸亥以久旱徙市雩
祈雨

代宗紀寶應元年八月己酉朔自七月不再至

此月癸丑方雨是歲江東大疫死者過半廣德
二年九月自七月大雨未止京城米斗值一千
文蝗食田是秋蝗食田殆盡關輔尤甚米斗千
錢永泰元年正月癸巳朔是日雪盈尺是春大
旱京師米貴斛至萬錢六月自春無雷至此月
甲申大風而雷七月以久旱遣近臣錄囚庚子
雨時久旱京師米斗一千四百他穀稱是二年
正月丁巳朔大雪平地二尺六月自春旱至此
月庚子始雨是冬無雪大歷二年八月辛卯潭

衡水災是秋河東河南淮南浙江東西福建等道五十五州奏水災三年五月癸酉是日地震四年正月甲戌大風乙亥大雪平地盈尺五月丙戌京師地震六年八月夏旱至此月己未始雨自八月連雨害秋稼是歲春旱米斛至萬錢七年五月乙酉雨雹大風折樹十二月癸酉大雪八年是冬無雪九年七月久旱京兆尹黎幹歷禱諸祠未雨又請禱文昌廟上曰邱之禱久矣是秋大雨十一月戊戌大雪平地盈尺十一

年七月戊子夜暴澍雨平地水深盈尺溝渠漲溢壞坊民千二百家十二年正月京師旱分命祈禱六月癸巳時小旱上齋居祈禱八月乙巳以久雨宥常參是秋宋亳陳滑等州水德宗紀建中元年四月己亥地震九月己卯雷二年正月自去年十月無雪至甲申方雨雪三年六月甲子京師地震七月自五月不雨甲辰始雨八月江淮訛言有毛人捕人食其心人情大恐九月己亥夜有猛獸入宣陽里傷二人詰

舊唐書卷一百一十一
朝獲之四年四月甲子京師地震生黃白毛長尺餘五月辛巳夜京師地震乙巳滑濮二州黃河清九月戊寅龍見於汝州之城南興元元年是秋螟蝗蔽野草木無遺貞元元年正月戊戌大風雪寒去秋螟蝗冬早至是雪寒甚民飢凍死者踣於路二月辛卯大雨四月江陵度支院失火燒租賦錢穀百餘萬時關東大饑賦調不入由是國用益窘關中饑民蒸蝗蟲而食之七月庚子大風拔樹二年二月乙丑鹿入含元殿

衛士執之五月丙申自癸巳大雨至於茲日飢民俟夏麥將登又此霖澍人心甚恐米到復干錢貞元三年五月是月東都河南江陵汴州揚州大水漂民廬舍閏五月戊午陝虢李泌獻瑞麥一莖五穗四年三月中書省梧桐有鵲以泥爲巢五年五月戊辰宋州麥一莖九歧者百餘本六年正月戊申大雪四月甲辰大風雷是夏淮南浙東西福建等道旱井泉多涸人渴疫死者眾七年三月關輔牛疫死十亡五六上遣中

使以諸道兩稅錢買牛散給饑民無牛者四月
汴州獻白鳥十一月己酉潭州獻赤鳥十二年
十月壬戌詔以京畿旱放租稅十二月己未大
雪平地二尺竹柏多死環王國所獻犀牛甚珍
愛之是冬亦死十三年正月東都尚書省火四
月乙丑大雪十四年六月乙巳以旱儉出太倉
粟賑貸是夏熱甚十五年四月丁丑以久旱令
陰陽人法術祈雨七月鄭滑大水十七年十月
甲戌翰林待詔戴少平死十六日復生十八年

正月戊午朔大雨雪罷朝賀七月庚辰蔡申光
三州春水夏旱賜帛五萬段米十萬石鹽三千
石十九年六月自正月至是未雨分命祈禱山
川八月乙未大雨霖二十年二月庚戌大雷震
雨雹七月癸酉朔大雨雹
順宗紀貞元二十一年七月丙辰關東蝗食田
稼

憲宗紀永貞元年八月庚戌荆南獻龜二九月
丙子勅申光蔡陳許兩道比遭亢旱宜加賑卹

十月久雨京師鹽貴出庫鹽二萬石糶以惠民
十一月潤池揚楚湖杭睦江等州旱辛巳宣撫
和邴郢袁衢七州旱鄂岳婺衡等州旱元和元
年五月陳許蔡等州旱大風拔樹二年六月蔡
州水平地深七八尺三年是秋京師大雨是歲
淮南江南江西湖南山南東道旱四年七月丁
未渭南洪水壞廬舍二百餘戶溺死六百人命
府司賑給十一月癸卯朔浙西蘇潤常州旱儉
賑米二萬石五年三月甲子大風折木七年三

月壬辰詔以去秋旱歉賑京畿粟三十萬石三
月庚午以旱勅諸司疏決繫囚六月鎮州甲仗
庫一十三間兵仗都盡王承宗常蓄叛謀至是
始懼天罰兇氣稍奪仍殺三庫吏百餘人八年
三月辛未以久旱親於禁中求雨是夜澍雨霑
足十月丙申以大雪放朝人有凍踏者雀鼠多
死十一月京畿水旱霜損田三萬八千頃九年
正月乙卯大霧而雪三月丁卯隕霜殺桑四月
是月旱穀貴十一年八月戊申容州奏颶風海

水毀州城十二月京畿水害田潤常湖衢陳許大水十二年四月甲戌渭南雨雹中人有死者七月河北水災邢洺尤甚平地或深二丈是歲河南河北水十四年二月以鎮冀水災賜王承宗綾絹萬匹

穆宗紀元和十五年正月戊辰是夜地震三月戊辰夜大風雹七月自五月不雨至此月壬子始雨八月己卯同州雨雪害秋稼九月宋州大水損田六千頃滄景水損田長慶二年正月己

酉是日大風霾甲寅青州奏海凍二百里五月隴山有異獸如猴腰尾皆長毛青赤而猛鷲見蕃人則躍而食之遇漢人則否六月乙丑大風震電墜太廟鴟吻劈御史臺樹七月陳許蔡等州水八月浙東處州大水溺居民三年正月丁巳朔大風昏翳竟日三月丁巳日晡晚後有賊入通化門鬪死者一人傷者六人敬宗紀長慶四年六月辛巳勅以霖雨命疏決京城三囚己巳浙西水壞太湖隄水入州郭漂

民廬舍七月己酉睦州青溪等六縣大雨山谷發洪水泛溢漂城郭廬舍乙丑鄆曹濮雨水溢壞城郭廬舍甲戌襄均復等州漢江溢漂民廬舍八月甲寅陳許蔡鄆曹濮等州水害秋稼十一月蘇潭湖岳吉 彬等七州水傷稼實歷元年七月乙巳鄜坊水壞廬舍丁卯奉天縣水壞廬舍九月丁酉華州暴雨傷稼是歲淮南浙西宣襄鄂潭湖南等州旱傷稼

文宗紀太和元年六月甲寅以旱放繫囚十一

月丙申河中群平奏虞鄉縣有白虎入靈峯觀二年六月陳州水害秋稼八月壬戌京畿奉先等十七縣水三年八月辛酉京畿奉先等九縣旱損田宋亳水害稼四年五月丁丑以旱命京城諸司疏理繫囚己卯通化南北二門鎖不可開鑰人如有持之者上令鐵工破鎖時日已及辰矣八月丙辰鄜州水溺居民三百餘家太原柳公綽奏雲代蔚三州山谷間石化為麪人取食之九月戊寅舒州太湖宿松望江三縣水溺

民戶六百八十詔以義倉賑貸己丑淮南天長等七縣水害稼十月己酉京師有熊入莊嚴寺十一月淮南大水及蟲霜並傷稼是歲京畿河

南江南荆襄鄂岳湖南等道大水害稼出官米賑給五年正月庚子朔以積陰浹旬罷元會丁巳太原旱賑粟十萬石六月戊寅以霖雨涉旬詔疏理諸司繫囚辛卯蘇杭湖南水害稼甲午東川奏竄武江水漲二丈梓州羅城漂人廬舍七月劍南東西兩川水遣使宣撫賑給是歲淮

南浙江東西道荆襄鄂岳南東川並水害稼請蠲秋租是冬京師大雨雪六年正月乙未朔以久雪廢元會二月戊寅蘇湖二州水賑米二十萬石以本州常平義倉斛斗給五月壬子浙西丁公著奏杭州八縣災疫賑米十萬石七年七月己酉以旱命京城諸司疏決繫囚甲寅以旱徙市十月癸未朔揚州江都等七縣水害稼辛酉潤常蘇湖四州水害稼八年正月癸酉揚楚舒廬壽滁和七州去年水損田四萬餘頃五

月飛龍神駒中廐火六月甲午以旱詔諸司疏
決繫囚七月戊午奉先美原櫟陽等縣雨損夏
麥十月陝州江西旱無稼壬辰河南府鄧州同
州揚州並奏旱蟲傷損秋稼淮南兩浙黔中水
爲災民戶流亡京師物價暴貴十一月辛亥襄
州水損田壬子滁州奏清源等三縣四月雨至
六月諸山發洪水漂溺戶萬三千八百十二月
昭成寺火九年十月京兆河南兩畿旱開成元
年閏五月丙戌烏集唐安寺逾月方散十月己

酉揚州江都七縣水旱損田二年六月魏博澤
潞淄青滄德兗海河南府等州並奏蝗害稼鄆
州奏蝗得雨自死七月乙酉以蝗旱詔諸司疏
決繫囚三年正月癸未大雪八月甲午山南東
道諸州大水田稼漂盡魏博六州蝗食秋苗並
盡四年四月壬戌有麀出太廟五月天平魏博
易州等管內蝗食秋稼六月丁丑襄陽山竹結
實其米可食七月庚辰朔西蜀水害稼滄景淄
青大水十二月乙卯乾陵火

武宗紀會昌元年六月有禿鶯鳥集於禁苑七月關東大蝗害稼襄郢江左大水三年六月西內神龍寺災六年二月癸酉以時雨愆候赦囚以旱停上巳曲江賜宴

宣宗紀大中三年六月癸未五色雲見於京師五年是歲淮南大饑八年春正月陝州黃河清三月以旱疏決繫囚十一年是歲舒州吳塘堰有眾禽成巢闊七尺高七丈而水禽山鳥鷹隼燕雀之類無不馴狎又有鳥人面綠毛爪喙皆

紺色其聲曰甘人呼爲甘蟲

懿宗紀咸通二年二月鄭滑節度使檢校工部尙書李福奏屬郡潁州去年夏大雨沈邱汝陰潁上等縣平地水深一丈田稼屋宇淹沒皆盡乞蠲租賦從之三年夏淮南河南蝗旱民饑四年四月是月東都許汝徐泗等州大水傷稼八年正月丁未河中晉絳地大震廬舍壓仆傷人九年是歲江淮蝗食稼大旱十四年三月庚午詔兩街僧於鳳翔法門寺迎佛骨是日天雨黃

土徧地

僖宗紀咸通十四年八月河南大水自七月雨不止至釋服後方霽十二月雷震乾符二年十月二月雷震電三年三月奉天鎮上言金龍晝見自河昇天九月某州自六月地震至七月未止歷傷人頗眾廣明元年四月甲申朔大雨雹大風拔兩京街樹十二三東都長夏門內古槐十拔七八宮殿鴟吻皆落中和元年四月辛酉大風天雨土二年七月丙午賊將尙讓攻宜君砦

雨雪盈尺甚寒賊兵凍死者十二三九月太原諸山桃杏有花實四年五月戊辰大雨平地水深三尺溝河漲溢光啓二年五月荆南襄陽仍歲蝗旱米斗三十千人多相食是冬苦寒九衢積雪兵入之夜寒冽尤劇民吏剝剝之後僵凍而死蔽路

昭宗紀天復四年四月甲辰車駕由徽安門入是日大風雨上跬步不辨物色日暝稍止天祐元年五月己巳全忠辭赴大梁宴於崇勳殿是

日雨甚哀二年五月丙戌潁州汝陰縣人彭文
妻產三男八月戊子洛苑使奏穀水屯地內嘉
禾合穎三年九月是月積陰霖雨不止差官崇
都門

舊唐書疑義卷二終

